

ياليت الهاتف

انا اغاب صوتك صرت من كل البشر مقطوع
ما اشوف الا انت مخلوق على الدنيا يمتعني
متاعى في حياتي .. والرجا في شوفتك ممنوع
عسى ربي يمتعني بصبر ما يضيق عني
احبك .. والحببة تختلف ما بين نوع ونوع
وحبك نوعه النوع الشديد اللي يرو عني !
احبك بالمسامح والمشاعر والضمائم والجوع
وبكل احساس صدق بالحببة فيك يجمعني
صعيب من صعوبة حبة الرجال راس الكوع !
وانا يا مانهيت القلب عنك ولا يطاوعني
تغيب .. وتتبعك دقات قلبي بين غصب وطموع
وانا ما بين بعد وقرب .. وبين الله موزعني !
اكيد انك بعيد ولا يبي له بحث هالوضع
لكن القلب لامنه سمع صوتك يشجعني
يشجعني على التفكير فيك .. ويجري الينبوع
مثل مجرى العروق بدمها .. والشوق يدفعني

فهد زيد

ياليت الهاتف اللي جاب صوتك ماتجيه مقطوع
ياليتك ماتفارقني .. ولا تطري توادعني
ابيك تسلي خاطر .. واسلي قلبي المنجوع
بعد فرقاك .. يوم ان الليالي منك تقطعني
لو انك شفتني بعدك وانا عيني تهل دموع
لو انك شفتني يوم الفراق الصعب يفجعني
تري حالي .. بعد فرقاك حال التايه المذموم
غريب في ديارك .. والدوا ماعاد ينفعني
ولا ينفعني الا الشوف .. ولا صوتك المسموع
بعد ماضاقت الدنيا بوجهي لا تلوعني
ابي اسمعك صوتي وانت كلمني بكل اسبوع
امانه .. كل راس اسبوع صوتك لا يقاطعني
تشوف الارض لاجاها الحيا واستبشرت برجع
تراني مثلها .. صوتك على الدنيا يرجعني
تجي مثل الحيا وسط الصحاري والحيا متبوع
يبيل القاع وانت تبل ريقى بس تمنعني
تري ما فيه عيب اني عشقتك والهوى مشروع
لو اني خابر انك منت حولي بس تسمعني

